

ALEGACIÓNS XERAIS ÁS CONVOCATORIAS DE PROCESOS SELECTIVOS DE DISTINTOS CORPOS FACULTATIVOS DA XUNTA DE GALICIA.

LINGUAXE NON SEXISTA NAS ORDES QUE CONVOCAN OS PROCESOS SELECTIVOS:

A propia Administración é a que avoga por unha linguaxe non sexista así que debería dar exemplo e deixar de usar os termos corpo facultativo de “biólogos” “enxeñeiros” “arquitectos”, pois neses “corpos” de persoal funcionario, tamén teñen cabida as mulleres, a pesares de que nalgúns deles estean infra-representadas como é o caso das enxeñerías industriais.

SISTEMA DE ACCESO:

Demandamos con carácter xeral o sistema de **concurso-oposición** e dende logo non concibimos unha promoción interna na que se ignoren os méritos do persoal que pretende promocionar.

DISCAPACITADOS/AS:

Nota de corte separada para quenda de discapacitados

PROMOCIÓN INTERNA:

- Esta Administración debería comezar a facer promocións internas reais e efectivas, facendo convocatorias separadas, reducindo os exames, temarios, tendo en conta o tempo de servizos prestados, a formación, etc. ¿Qué clase de promoción é a que fai competir ao mesmo nivel que a quenda libre?
- A promoción interna debe ser **vertical e horizontal**. O acceso debe quedar aberto a tódalas demais escalas e corpos do mesmo grupo, e tamén ao inmediato inferior. Debe permitirse a promoción interna horizontal e dende logo, como mínimo debe existir reciprocidade entre os distintos corpos facultativos.
- Na base IV.7. establécese: *No sistema de promoción interna, os aspirantes que superen o presente proceso selectivo tomarán posesión da praza que viñeran desempeñando con carácter definitivo, cando esta, de conformidade cos requisitos esixidos nas relacións de postos de traballo, poida ser desempeñada por funcionarios/as pertencentes aos corpos ou escalas a que accedan, de acordo co disposto no artigo 63 do TRLFPG.* Quen aprobe o proceso selectivo debe ter o DEREITO a quedar no seu posto de traballo e non a OBRIGA como establecen as bases, pois deste xeito incúmprese o precepto legal de adjudicar destino de acordo coa orde de prelación no proceso selectivo. De igual xeito se desvirtúa o disposto no artigo 22.2 do regulamento de provisión de postos de traballo, promoción profesional e promoción interna pois o feito de que a Administración che obrigue a quedar no posto que ocupas non supón ningunha *preferencia sobre a quenda de acceso libre para cubrir as vacantes.*
- A promoción interna debería ser unha **convocatoria separada** da libre e de non selo cando menos a quenda de promoción interna debería ter unha **nota de corte separada** e independente da quenda libre, ao igual ca quenda de discapacitados/as
- O **número de prazas** que se reserven para promoción debe ser como mínimo do **50%**.

PROCESOS DE CONSOLIDACIÓN:

A administración denomina falsamente estes procesos coma “extraordinarios”. ¿Qué ten de extraordinario un proceso que ten o mesmo número de temarios e de exames ca os ordinarios? Non se pode denominar extraordinario somentes porque teña unha fase de concurso, porque resulta que as leis prevén que o sistema de acceso pode ser por concurso-oposición e iso non ten nada de extraordinario. Se a consolidación trata de converter emprego temporal en fixo e **por unha soa vez ten que ser algo máis ca un simple concurso-oposición.**

CIG-Autonómica Compostela

San Caetano Telef. 9815 45909, 9815 45985, 9815 45987

San Lázaro Telef. 8819 97290, 9815 46999

<http://autonomica.cigadmon.org>

ALEGACIÓNS XERAIS ÁS CONVOCATORIAS DE PROCESOS SELECTIVOS DE DISTINTOS CORPOS FACULTATIVOS DA XUNTA DE GALICIA.

Nota de corte dos exercizos: Debe establecerse un corte previo na fase de oposición que garanta unha fase real de concurso. Entendemos que é tarefa da Administración atopar un corte xusto pero tamén eficaz, que limite os problemas que xurdiron cos cortes doutras consolidacións de corpos xerais.

REQUISITOS DE ACCESO: TITULACIÓN

O artigo 76 do Estatuto Básico do Empregado Público establece que para o acceso aos corpos ou escalas do grupo A (tanto subgrupo A1, como subgrupo A2) esixírase estar en posesión dun título universitario de Grao. Seguidamente indica este artigo que naqueles supostos nos que a Lei esixa outro título universitario será este o que se teña en conta. Polo tanto, e salvo lei contraria o único título que se pode esixir nestas convocatorias para o subgrupo A1 é o grao, ademais dos títulos de licenciaturas ou enxeñerías existentes antes da implantación do plan Bolonia.

FASE CONCURSO:

- A promoción interna debe ter unha fase de concurso.
- O tempo traballado na Administración da Xunta debería puntuar máis ca o tempo noutras administracións.
- Deberían puntuarse máis cursos de formación.

FASE DE OPOSICION:

Exames:

- Estamos na Administración da Xunta de Galicia polo que debería ser obrigatorio demostrar o coñecemento do noso idioma por outros medios e non só cun simple curso. Cando menos **un dos exames** debería ser **en galego**.
- Os exercizos tipo **test** son os máis obxectivos e resultan ter o mesmo peso na oposición ca o resto, deberían ter **máis puntuación**.
- **Rexeitamos** totalmente o sistema de **lectura pública** polo opositor ou opositora perante o tribunal, porque non se garante o seu anonimato. Pódese puntuar perfectamente un exame escrito sen necesidade de verlle a cara a persoa que o escribiu.
- Nos exames de temas ou nos prácticos de desenvolvemento se lle debería permitir, a toda persoa opositora que o solicite, poder comparar o seu exame co das dúas persoas que obtivesen a maior e a menor puntuación, do mesmo exercizo.

Nota de corte:

- Que se estableza o aprobado nos test no **50% das preguntas**, e recollelo expresamente nas convocatorias.

Temarios:

- Deben ser **editados pola EGAP** para tódolos corpos, e deben estar **en galego**.
- Temarios axeitados á especialidade do corpo. Deben estar unificados na parte común e ter igual número de temas para cada subgrupo, e teñen que ser proporcionais segundo ao subgrupo de maneira que un subgrupo A2 non poida máis número de temas ca un A1, nin sequera igualalo.
- Nas probas en que se permita levar libros de consulta, o tribunal debe facilitar ditos libros. Neste senso sería tamén positivo indicar que os textos lexislativos consolidados son válidos para levar

CIG-Autonomica Compostela

San Caetano Telef. 9815 45909, 9815 45985, 9815 45987

San Lázaro Telef. 8819 97290, 9815 46999

<http://autonomica.cigadmon.org>

ALEGACIÓNS XERAIS ÁS CONVOCATORIAS DE PROCESOS SELECTIVOS DE DISTINTOS CORPOS FACULTATIVOS DA XUNTA DE GALICIA.

ao suposto práctico, dada a multitude de normas modificadoras dos textos orixinais e que xa están na maior parte dos casos disponibles nas webs oficiais tanto do estado (www.boe.es) como da UE (<http://eur-lex.europa.eu/es/index.htm>).

- Existe unha gran disparidade nos temas destas convocatorias:
- Concretamente en Inspección Urbanística a diferenza nos temarios respecto ás outras escalas é tremenda. Debe reducirse
- Así mesmo o temario do A2 de arquivos é desproporcionado respecto dos outros.

DENOMINACIÓN	GRUPO	Textos normativos	TEMAS XERAIS	Parte específica ESPECÍFICOS
Arquitectos	A1	15		47
Enxeñ. Industriais	A1	15		52
Biólogos/as	A1	15		42
Inspect. Urbanismo.	A1	30	64	41
Enxeñ. Tecn. Industriais	A2	15		38
Arquivos	A2	15		52
Subinspección de Consumo	C1	12		19

- A lexislación común, da que se exige a promoción interna debe ser igual en tódalas convocatorias.

TRIBUNAIS:

- Estamos en contra da designación directa “a dedo” das persoas que compoñen o tribunal e seguimos demandando a presenza sindical.
- No marco do aforro no gasto público, debería haber especialistas no Tribunal e persoal con coñecementos suficientes para evitar que se teñan que solicitar opinión de asesores/as alleos ao órgano.

PRAZOS:

Debería constar na convocatoria un prazo máximo para o nomeamento dos tribunais. ev un prazo máximo de resolución da convocatoria.

Dende a CIG criticamos cómo se están a resolver os procesos selectivos; estes non poden adormecer dende que se convocan e tardar as veces máis de 3 anos en resolverse. O sinalamento dos prazos indicados anteriormente igual non é a mellor fórmula, máis función pública debe buscar a maneira de reflectir na propia convocatoria un sistema que obrigue a que dende que se publica un proceso selectivo ata o seu remate (toma de posesión) non transcurra máis dun ano

ALEGACIÓNS XERAIS ÁS CONVOCATORIAS DE PROCESOS SELECTIVOS DE DISTINTOS CORPOS FACULTATIVOS DA XUNTA DE GALICIA.

ALEGACIÓNS a Orde do -- de -- de 2013 pola que se convoca proceso selectivo para o ingreso no corpo facultativo superior da Xunta de Galicia, subgrupo A1, escalas de arquitectos, enxeñeiros industriais e biólogos.

Enxeñeiros/as industriais

Na base I.2.2.3, xunto co anexo II, esixe a titulación de Enxeñeiro Industrial (plan antigo) ou de Máster en Enxeñería Industrial para acceder a esta escala, sen mencionar a titulación de Grao.

Tal e como dixemos nas alegacións xerais o artigo 76 do EBEP establece que para o acceso aos corpos ou escalas do grupo A se esixirá estar en posesión dun título universitario de Grao, agás que a Lei estableza outro distinto.

Segundo nos informou Función Pública esixe neste caso a titulación de Máster no canto do Grao baseándose na Orde CIN/311/2009, do 9 de febreiro, pola que se establecen os requisitos para a verificación dos títulos universitarios oficiais que habiliten para o exercicio da profesión de Enxeñerías Industriais. Na dita orde establécese como equivalente da enxeñería técnica industrial o grao e da enxeñería industrial o máster.

Posto que neste caso non é unha lei senón unha orde a que establece as ditas equivalencias esiximos que se modifique a convocatoria e que **se permita participar ás persoas posuidoras do título de Grao no acceso ao subgrupo A1.**

Biólogos/as:

O temario é realmente extenso e pouco desglosado.

Proposta de cambio de temario:

- ✓ Medio físico e bioxeográfico de Galicia. Principais ecosistemas e hábitats. Hábitats de interese comunitario presentes en Galicia. **Proponse a súa eliminación por ser un tema de coñecemento xeral do medio galego que esta incluído no tema de conservación da natureza e de paisaxe.**
- ✓ Inventario, caracterización e seguimento de poboacións de fauna e flora. Técnicas de censo e estima. Estudo da dinámica das poboacións. **No temario existen dous temas relacionados coas mostraxes e as dinámicas de poboación, isto ven derivado de cando o temario dividíase en dous partes diferenciadas unha orientada aos temas máis relacionados coa Consellería de Medio Ambiente e a outra de cara á antiga Consellería de Pesca. Como neste caso o temario esta unificado, non se ve motivo para que existan dous temas de mostraxe. Proponse a unificación do tema 2 co tema 28.**
- ✓ Espazos naturais protexidos: Rede Galega de Espacios Naturais. Instrumentos de planificación dos espazos naturais protexidos en Galicia. Normativa. Procedemento de declaración. **Substituír por: Espazos naturais protexidos. Rede Galega de Espazos Naturais Protexidos. Instrumentos de planificación dos espazos naturais protexidos en Galicia. Normativa: Lei 9/2001, Conservación da Natureza e Lei 42/2010 Biodiversidade e Patrimonio natural.**
- ✓ A paisaxe galega. Lexislación aplicable. Conservación e medidas de protección. Estratexia da paisaxe galega. **Pasaría a: A paisaxe galega. Lei 7 /2008, 7 de xullo, de protección da paisaxe de Galicia.**
- ✓ A bioloxía da conservación. Factores que actúan sobre as poboacións e hábitats ameazados. Diagnose e ameazas. Instrumentos de conservación da biodiversidade. **Proponse a eliminación de este tema posto que está incluído nas diferentes lexislacións de conservación da natureza que xa se estudan ao longo do temario.**
- ✓ Caracterización e catalogación de especies ameazadas. Aplicación a Galicia. Estratexias e plans de conservación e recuperación. **Substitución polo tema que aparece na convocatoria da Orde do 10 de febreiro de 2009 pola que se convoca o proceso selectivo para o ingreso na categoría 37 (titulado/a superior ambiental) do grupo I de persoal laboral fixo da Xunta de Galicia. 31) Conservación e protección de flora e fauna silvestre en Galicia: catálogo galego de especies ameazadas. Efectos da catalogación: plans de**

CIG-Autonomica Compostela

San Caetano Telef. 9815 45909, 9815 45985, 9815 45987

San Lázaro Telef. 8819 97290, 9815 46999

<http://autonomica.cigadmon.org>

ALEGACIÓNS XERAIS ÁS CONVOCATORIAS DE PROCESOS SELECTIVOS DE DISTINTOS CORPOS FACULTATIVOS DA XUNTA DE GALICIA.

recuperación, protección, conservación e manexo de especies en Galicia. Centros de recuperación de fauna salvaxe.

- ✓ Directiva Marco da Auga. Lexislación de augas estatal e autonómica.
- ✓ A planificación hidrolóxica. Plan hidrolóxico nacional e plans hidrolóxicos de conca. A planificación hidrolóxica nas concas de Galicia-Costa.
- ✓ Calidade das augas superficiais. Indicadores de calidade para a clasificación e seguimento do estado. Redes de control e seguimento. Normativa.
- ✓ A xestión da auga. Planificación sectorial. Autorización e control dos vertidos. Normativa.
- ✓ Dos temas 7 ao 10 súxírese a remodelación integra dos mesmos de xeito que:
- ✓ 7.- Directiva Marco da Auga: Obxecto e Obxectivos ambientais (Artigos 1, 2 e 4 da propia DMA). Rede de control do estado da Auga. O dominio público hidráulico: Título I Do dominio Público hidráulico do Estado do Real Decreto Lexislativo 1/2001, 20 de xullo, polo que se aproba o texto refundido da lei de Augas.
- ✓ 8.- A Demarcación hidrográfica: Capítulo I Principios Xerais do Título II da administración pública da auga do Real Decreto Lexislativo 1/2001, 20 de xullo, polo que se aproba o texto refundido da lei de Augas. A demarcación hidrográfica en Galicia: artigo 4 e 6 da Lei 9/2010, 4 de novembro de augas de Galicia.
- ✓ 9.- A planificación hidrolóxica: Título III do Estado do Real Decreto Lexislativo 1/2001, 20 de xullo, polo que se aproba o texto refundido da lei de Augas e Título V da planificación hidrolóxica da Lei 9/2010, 4 de novembro de augas de Galicia.
- ✓ 10.- A protección do dominio público hidráulico e da calidade das augas: Título V Real Decreto Lexislativo 1/2001, 20 de xullo, polo que se aproba o texto refundido da lei de Augas e Título VI do réxime especial de protección da calidade das augas das Rías de Galicia da Lei 9/2010, 4 de novembro de augas de Galicia.
- ✓ Lei de costas. Normativa de protección. Plan de Ordenación do Litoral. Reestruturación: Lei 22/88, de costas. Título I: Bens do DPMT, Título II Limitacións da propiedade e Título III Utilización do DPMT. Plan de Ordenación do Litoral de Galicia: Artigo 2 no Título Preliminar, Capítulo I e sección 1ª do Capítulo II do Título I Modelo Territorial do Decreto 20/2011, do 10 de febreiro, polo que se aproba o POL.
- ✓ A contaminación mariña. Fontes de contaminación. Normativa. Reestruturalo en: 12.- A protección do mar: Directiva 2008/56, 17 de xuño, Estratexia marco do medio mariño título I a Título IV da Lei 41/2010, 29 de decembro, de protección do medio mariño, Decreto 155/2012, estrutura e organización do Plan territorial de continxencias por contaminación mariña accidental da Comunidade Autónoma de Galicia.
- ✓ Xestión e tratamento de Residuos. Normativa. Reestruturación a: Xestión e tratamento de Residuos: Título I a Título IV e Título VI da Lei 22/2011, de 28 de xullo, de residuos e solos contaminados.
- ✓ Tratamento de augas. Normativa. Recolocalo e reestruturalo como tema 11.- Tratamento de augas. Normativa: Potables: Real Decreto 140/2003, 7 de febreiro, criterios sanitarios da calidade da auga de consumo humano; Baño: Real Decreto 1341/2007, 11 de outubro da xestión da calidade de augas de baño, Residuais: Real Decreto 509/1996, 15 de marzo, polo que se establece as normas aplicables ao tratamento de augas residuais urbanas.
- ✓ Calidade dos solos e das augas subterráneas. Redes de control e seguimento. Normativa. Proposta: Calidade dos solos e augas subterráneas. Redes de control e seguimento. Normativa: Título V de la Lei 22/2011, de 28 de xullo, de residuos e solos contaminados, Real Decreto 9/2005, de 14 de xaneiro, por el que se establece la relación de actividades potencialmente contaminantes do solo y los criterios y estándares para la declaración de solos contaminados e Decreto 60/2009, do 26 de febreiro, sobre solos potencialmente contaminados e procedemento para la declaración de solos contaminados e artigos do 1 ao 6 da Directiva 2006/118, 12 de decembro relativa á protección das augas subterráneas contra a contaminación e o deterioro.
- ✓ Calidade do aire. Emisións atmosféricas e o seu tratamento. Normativa. Proponse reestruturación a: 16.- Calidade do aire: Capítulos I a VI da Lei 34/2007, 15 de novembro, de calidade do aire e protección da atmosfera.
- ✓ A caza e a pesca fluvial en Galicia. Normativa de protección das especies cinexéticas e piscícolas. Xestión das poboacións sometidas a aproveitamento cinexético e piscícola. Aplicación en Galicia. Plans de xestión das especies cinexéticas e piscícolas de Galicia. **fusión destes temas**

CIG-Autonómica Compostela

San Caetano Telef. 9815 45909, 9815 45985, 9815 45987

San Lázaro Telef. 8819 97290, 9815 46999

<http://autonomica.cigadmon.org>

ALEGACIÓNS XERAIS ÁS CONVOCATORIAS DE PROCESOS SELECTIVOS DE DISTINTOS CORPOS FACULTATIVOS DA XUNTA DE GALICIA.

- ✓ 17.- Caza: Títulos do I ao VII da Lei 4/97, 25 xuño de caza de Galicia e Título II a Título VII do Decreto 284/2001, 11 de outubro do Regulamento de caza..
- ✓ 18.- Pesca fluvial: Títulos do I ao IV da Lei 7/ 1992, 24 de xullo de pesca fluvial e do título I ao IV do Decreto 130/1997, 14 de maio do Regulamento de pesca fluvial.
- ✓ Invasións biolóxicas: problemática asociada. Especies exóticas invasoras en Galicia. Medidas de xestión e seguimento. Substitución polo tema que aparece na convocatoria da *Orde do 10 de febreiro de 2009 pola que se convoca o proceso selectivo para o ingreso na categoría 37 (titulado/a superior ambiental) do grupo I de persoal laboral fixo da Xunta de Galicia.* 33) Especies exóticas invasoras en Galicia. Concepto legal de especie exótica invasora. Especies máis problemáticas en Galicia.
- ✓ Lei de protección ambiental de Galicia. As avaliacións de incidencia ambiental, de impacto ambiental e de plans e programas. Normativa. Reestruturalo a: A Avaliación Ambiental. Título I a Título II da Lei 1/1995, 2 de xaneiro, de protección ambiental de Galicia. Real Decreto 1/2008, 11 de xaneiro, polo que se aproba o texto refundido da Lei de Avaliación de Impacto Ambiental. Decreto 80/2000, 23 de marzo, polo que se regulan os plans e proxectos sectoriais de incidencia supramunicipal. Decreto 133/2008, 12 de xuño, de avaliación de incidencia ambiental.
- ✓ Prevención e control integrados da contaminación. Normativa. Meliores técnicas dispoñibles. O rexistro europeo PRTR. Reestruturación a: Título I a Título II da Lei 16/2002, 1 de xullo, de prevención e control integrados da contaminación. Meliores técnicas dispoñibles: qué son. Rexistro Europeo PRTR.
- ✓ Os incendios forestais. Causas e efectos sobre os ecosistemas. Medidas de xestión. Proposta eliminación : porque non ten sentido neste corpo dado que no tema de incendios son outras especialidades da enxeñería (forestal ou montes) quen ten as funcións relacionadas con este tema.
- ✓ Condicións ambientais dos sistemas de explotación agrogandeiras. Ordenación do monte galego. Tratamentos culturais nas masas arbóreas. Multifuncionalidade das explotacións. Proposta eliminación : non ten sentido neste corpo dado que é propio doutras especialidades da enxeñería (forestal ou montes) que teñen as funcións relacionadas con este tema.
- ✓ .-A política pesqueira comunitaria. Este tema aínda que, non carece de importancia, non deixa de ser, de cara a un proceso selectivo do corpo de biólogos, un ítem completamente transversal dado que non é obxecto de traballo central por parte dos técnicos pertencentes ao corpo de biólogos da Xunta de Galicia, habida conta que a competencia da Comunidade Autónoma de Galicia en relación á pesca se relaciona de cara as augas interiores e o organismo asesor científico é o Instituto Español de Oceanografía. Así pois propónse cambiar este tema ao de: A pesca en Galicia. Título I e II da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro
- ✓ A flota pesqueira galega. Modalidades de pesca. Artes e aparellos de pesca. Normativa de xestión. Reestruturalo a: Flota pesqueira galega: Título III da pesca marítima e Título VI frota pesqueira da Lei 1/2008, do 3 de decembro, de pesca de Galicia, modificada pola Lei 6/2009, do 11 de decembro. Modalidades de pesca: Capítulo I a Capítulo II, artigos de definición: 14, 15, 26, 27, 63, 64, 79, 80, 99, 100, 103, 104 e 118 do Decreto 15/2011, 28 de xaneiro, polo que se regulan as artes, aparellos, útiles, equipamentos e técnicas permitidos para a extracción profesional de recursos mariños.
- ✓ O marisqueo en Galicia. Principais especies explotadas. Métodos de captura. Plans de explotación marisqueira. Aplicación de técnicas de cultivo a bancos marisqueiros. Reestruturación O marisqueo en Galicia: Título IV Do marisqueo Principais especies explotadas. Métodos de captura: artigos 124, 146, 147, 148, 151, 156 e 158 do Decreto 15/2011, 28 de xaneiro, polo que se regulan as artes, aparellos, útiles, equipamentos e técnicas permitidos para a extracción profesional de recursos mariños.
- ✓ As algas macrofitas de interese comercial en Galicia. Principais especies e aplicacións. Explotación e cultivo.
- ✓ Mostraxes bentónicas de especies recurso. Mostraxe de recursos ícticos. Ver tema 2.
- ✓ A acuicultura en Galicia: continental e mariña. Normativa . Estratexia Galega de Acuicultura. Estruturalo como: Acuicultura en Galicia. Título V da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro. Estratexia galega de Acuicultura: Definición e Obxectivos.
- ✓ Cultivo de peixes: principais especies. Métodos e instalacións.

CIG-Autonómica Compostela

San Caetano Telef. 9815 45909, 9815 45985, 9815 45987

San Lázaro Telef. 8819 97290, 9815 46999

<http://autonomica.cigadmon.org>

ALEGACIÓNS XERAIS ÁS CONVOCATORIAS DE PROCESOS SELECTIVOS DE DISTINTOS CORPOS FACULTATIVOS DA XUNTA DE GALICIA.

- ✓ Comercialización dos produtos pesqueiros. Control da comercialización. Estatísticas e trazabilidade. *Proponse a fusión coa proposta de tema 38.*
- ✓ Cultivo de moluscos: principais especies. Métodos e instalacións.
- ✓ Condicións sanitarias de invertebrados mariños. Depuración e reinstalación. As mareas vermellas e o seu control. Normativa. *Pasaría a: Normas específicas de hixiene de moluscos bivalvos: Regulamento 853/2004, Anexo III- Sección VII (capítulos I a V) e Regulamento 854/2004 Anexo II-Moluscos bivalvos vivos. Depuración e reinstalación de moluscos bivalvos. Mareas vermellas: Decreto 28/2005, de 28 de enero, por el que se regula el control de las biotoxinas en moluscos bivalvos e outros organismos procedentes de la pesca, el marisqueo e a acuicultura e Orde 14 de novembro de 1995 pola que se regula o programa de actuacións para o control de biotoxinas mariñas en moluscos bivalvos e outros organismos procedentes da pesca, marisqueo e la acuicultura*
- ✓ A industria de transformación no sector pesqueiro galego. Instrumentos de apoio ao sector. *Ver o dito para o tema 38 no que se incluíría este tema nun refundido coa comercialización.*
- ✓ A investigación mariña en Galicia. A formación náutico pesqueira en Galicia. *Reestruturación: Título X Da investigación, o desenvolvemento tecnolóxico e a innovación da e Título XI Da formación marítimo-pesqueira Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro*
- ✓ Reservas mariñas de interese pesqueiro en Galicia. Plans de Xestión. *Pasaría a: Reservas mariñas de interés pesqueiro en Galicia. Decreto 87/2007, do 12 de abril polo que se crea a reserva mariña de "Os Miñarzos" e Decreto 28/2009, polo que se crea a reserva mariña de interese pesqueiro Ría de Cedeira. Plans de xestión.*
- ✓ Organizacións sectoriais do sector pesqueiro. Organizacións de produtores. Confrarías. Normativa. *Reestruturación: Título VII Dos axentes do sector pesqueiro e dos órganos asesores en materia de pesca da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro.*
- ✓ A promoción dos produtos pesqueiros e agrarios. Calidade diferenciada. Agricultura ecolóxica. Normativa. *Reestruturación: Título VIII Da comercialización, a transformación e a promoción dos produtos da pesca, do marisqueo e da acuicultura da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro.*
- ✓ O cambio climático en Galicia. Seguimento e control. Medidas de xestión. *Proposta: ou eliminación por estar incluído noutros temas como a IPPC ou senón equiparación ao Orde do 10 de febreiro de 2009 pola que se convoca o proceso selectivo para o ingreso na categoría 37 (titulado/a superior ambiental) do grupo I de persoal laboral fixo da Xunta de Galicia. Cambio climático. Convención Marco das Nacións Unidas sobre Cambio Climático. Causas, impacto e mitigación.*
- ✓ Interpretación do medio natural. A educación ambiental. O dereito de acceso á información ambiental. Estratexias de comunicación e participación pública. *Substitución polo tema que aparece na convocatoria da Orde do 10 de febreiro de 2009 pola que se convoca o proceso selectivo para o ingreso na categoría 37 (titulado/a superior ambiental) do grupo I de persoal laboral fixo da Xunta de Galicia. 34) Educación ambiental. A Estratexia Galega da Educación Ambiental. O Observatorio Galego da Educación Ambiental.*
- ✓ A responsabilidade ambiental. Normativa. *Reestruturación a: Responsabilidade ambiental: Capítulos I a IV e Capítulo VI da Lei 26/2007, 23 de outubro.*
- ✓ Instrumentos financeiros comunitarios para o medio ambiente, a pesca e a agricultura. Normativa. *Eliminación de este tema. Non ten sentido no corpo de biólogos dado que non deixa de ser instrumentos financeiros que, de forma colateral poden aparecer no proceso de traballo nalgunhas das prazas, pero non forman parte do traballo xenérico que realizan os técnicos deste corpo dentro da Xunta de Galicia.*

Arquitectos/as:

Malia que xa solicitamos con carácter xeral a promoción interna horizontal, neste caso concreto ten que existir reciprocidade: posto que o corpo facultativo de arquitectos/as (subgrupo A1) pode presentarse á convocatoria de inspección urbanística (A1), por forza ten que suceder o mesmo noutro sentido e que a escala de inspección urbanística poida presentarse a esta convocatoria.

CIG-Autonomica Compostela

San Caetano Telef. 9815 45909, 9815 45985, 9815 45987

San Lázaro Telef. 8819 97290, 9815 46999

<http://autonomica.cigadmon.org>

ALEGACIÓNS XERAIS ÁS CONVOCATORIAS DE PROCESOS SELECTIVOS DE DISTINTOS CORPOS FACULTATIVOS DA XUNTA DE GALICIA.

O temario en xeral non está actualizado e repítense temas referentes ao Patrimonio Cultural

CIGADMON



CIG-Autonomica Compostela

San Caetano *Telef. 9815 45909, 9815 45985, 9815 45987*

San Lázaro *Telef. 8819 97290, 9815 46999*

<http://autonomica.cigadmon.org>

ALEGACIÓNS XERAIS ÁS CONVOCATORIAS DE PROCESOS SELECTIVOS DE DISTINTOS CORPOS FACULTATIVOS DA XUNTA DE GALICIA.

Alegacións á Orde do -- de -- de 2013 pola que se convoca proceso selectivo para o ingreso no corpo facultativo superior da Xunta de Galicia, subgrupo A1, escala de inspección urbanística.

Lectura pública.- Xa rexeitamos a lectura pública con carácter xeral e máxime neste caso cando só se lle esixe a unha das opcións (á xurídica) dentro da propia escala.

En canto ao **temario** é moito máis extenso ca nos outros corpos ou escalas.

Aínda que o tipo e o número de exames coinciden cos demais corpos/escalas non sucede así coas partes do programa que entran en cada exercicio. Non entendemos esta diferenza cos demais corpos. Mentres que no resto teñen unha parte común que se remite ás normas de dereito positivo, nesta escala teñen estas mesmas normas (xa nun número superior que duplica o resto, e ademais teñen un temario xeral (64 temas) , respecto do cal deben desenvolver 1 tema, cousa que non ocorre nas restantes escalas que só desenvolven temas da parte específica. Non entendemos nin aceptamos esta diferenza. Debe estruturarse de novo o temario e eliminar esta parte xeral que non existe nas outras escalas.

Alegacións á Orde do -- de -- de 2013 pola que se convoca proceso selectivo para o ingreso no corpo facultativo de grao medio da Xunta de Galicia, subgrupo A2, escalas de enxeñeiros técnicos industriais e axudantes de arquivos, bibliotecas e museos especialidade de arquivos.

Especialidade de arquivos

O primeiro que chama poderosamente a atención é o número de temas que está en claro desequilibrio ao compáralo co resto de escalas do grupo A2 que se propoñen neste momento. Así para Arquivos esixense 52 temas específicos e para a escala de Enxeñeiros técnicos Industriais só 38.

Tamén ao comparar este temario con outras escalas superiores, observase unha desproporción do número de temas: Arquitectos (47), Biólogos (42), inspectores urbanísticos (41). Consideramos que está mal feita a proporción, e debería baixarse o número de temas no subgrupo A2 especialidade de arquivos. Deste xeito os temas da escala de arquivos do grupo A2 equiparanse e superan os de grupos superiores

Se ben é certo que as materias poden desprezarse ou aglutinarse de forma que o número de temas aumente o diminúa, o motivo non só é ese, senón o incremento das materias. Non está xustificado o aumento de temas, pois si ben é certo que, ás veces, faise necesario adaptar os temarios as funcións a desenvolver e ás innovacións que van tendo lugar co tempo, iso non ten por que supoñer un aumento dos temas senón unha adaptación ou nova redacción dos mesmos, pois, en boa lóxica a incorporación de temas mais innovadores ten que levar consigo a eliminación de outros obsoletos

En canto a listaxe de temas concretos da **parte específica**:

- No temario podería facerse unha división, claramente marcada, en dúas partes, en primeiro todo o relativo a historia das institucións e por outra o que se refire a arquivística e no que se podería incluír a lexislación referida aos arquivos.
- Pois ben, a carga da parte relativa a historia das institucións e case un 40% da materia e hai que ter en conta que as funcións a desenvolver polos axudantes de arquivo son tarefas fundamentalmente de carácter arquivístico que non precisan coñecementos tan exhaustivos das institucións, en especial as referidas a idade media, xa que, na carga de tarefas dun

CIG-Autonomica Compostela

San Caetano Telef. 9815 45909, 9815 45985, 9815 45987

San Lázaro Telef. 8819 97290, 9815 46999

<http://autonomica.cigadmon.org>

ALEGACIÓNS XERAIS ÁS CONVOCATORIAS DE PROCESOS SELECTIVOS DE DISTINTOS CORPOS FACULTATIVOS DA XUNTA DE GALICIA.

arquivo (e só no que se refire a arquivos históricos) os traballos relativos á documentación da Idade media sería menor, motivo polo que o seu coñecemento e a súa maior complexidade debe esixirse aos facultativos do subgrupo superior, non ao A2.

- Isto nos leva non só a que tamén os temas referidos a fontes supoñen un aumento da carga dos temas de institucións, xa de por si amplos, e un coñecemento da documentación de tódolos arquivos, e non só dos que son competencia da Xunta de Galicia, polo que tamén é unha sobrecarga dos coñecementos necesarios para desenvolver as funcións do A2

- **Propónse a seguinte modificación do temario.**

- Eliminación das fontes en tódolos temas que a incorporen dos temas do 1 ao 19.polos motivos expostos anteriormente.

- **Eliminación dos seguintes temas:**

- ✓ Temas 49, 15 e 18: **O estudo destes temas carece de relevancia en Galicia por ser arquivos de competencias estatais como os de *defensa, mariña, relacións exteriores* polo que nunca se atoparán documentos deste tipo no arquivo da Xunta de Galicia. Neste último caso, tema 18 podería ser un parágrafo do tema 5**
- ✓ Tema 16: A educación en España. Historia e fontes. **Non vemos a necesidade en concreto deste coñecemento para un grupo A2.**
- ✓ Tema 17 dos *partidos políticos e as organizacións sindicais*, **dado que son institucións privadas e a maior parte, senón toda, pode atoparse nos seus propios arquivos.**
- ✓ -Tema 14 da *inquisición*, **pois sen esquecer o seu interese, resulta excesivo o seu estudo nun tema dado que, practicamente, non se atopa documentación desta institución nos arquivos de competencia da Xunta de Galicia, e tendo en conta que o esencial desta institución xa se aborda, en parte, noutros temas como a administración central e administración de xustiza.**
- ✓ Tema 19: Os sectores económicos: primario, secundario e terciario. Historia e fontes. **Tema complexo e ambiguo porque non concreta o ámbito territorial, nin se delimita espacial, nin temporalmente Debería concretarse e incluírse como parágrafo do tema 8.**

- O Tema 41 referido á *información e difusión arquivística* e referido ao epígrafe titulado: *O panorama en España e Galicia*, **Debe concretarse, resulta ambiguo e subxectivo, non se sabe a qué panorama se refire.**

- O Tema 35: A descrición arquivística: formatos de intercambio (EAD e EAC) e normas de contido. Control de linguaxe: índices e tesauros. **Repite en gran parte o tema 34. Debería unirse a el. Demasiado peso no tema dos formatos de intercambio.**

- Tema 48: Os arquivos da Administración de Xustiza. **Mellor, facer referencia a lexislación que os rexe.**

- Con carácter xeral deberían **concretarse máis s ámbitos territoriais**, mentres nuns casos se di que son referidos España noutros non se di nada ao respecto.

Tamén **concretar os ámbitos espaciais ou temporais**, por exemplo no caso do ámbito temporal da idade contemporánea, concretar ata onde se consideraría a efectos do tema.

ALEGACIÓNS á Ordes pola que se convocan procesos selectivos extraordinarios de consolidación nos corpos

- **Facultativo superior da Xunta de Galicia, subgrupo A1, escalas de enxeñeiros industriais e biólogos.**

- **Facultativo de grao medio da Xunta de Galicia, subgrupo A2, escalas de enxeñeiros técnicos industriais e axudantes de arquivos, bibliotecas e museos especialidade de arquivos.**

Son as mesmas alegacións que para o proceso ordinarios e ademais deberase ter en conta o indicado nas alegacións xerais para os procesos de consolidación.

CIG-Autonómica Compostela

San Caetano Telef. 9815 45909, 9815 45985, 9815 45987

San Lázaro Telef. 8819 97290, 9815 46999

<http://autonomica.cigadmon.org>